

善本書室藏書志

善本書室藏書志卷七

錢塘丁丙松生甫輯

史部一

竹書紀年二卷 明刊本 盧抱經校藏

梁沈約附注明張遂辰閱

右稱魏之史由汲郡人發冢而得晉書具載其事隋經籍志亦載沈約之名世人疑其依託顧氏日知錄中往往引以爲據孫之騷徐文靖先後攷定箋注此爲明時刊本盧抱經以吳瑄徐文靖兩本校勘有數閒草堂藏書文弼校正盧文弼字紹弓三印張遂辰字卿子錢塘隱士精醫理後人因其所居而稱張卿子巷者也

前漢紀三十卷後漢紀三十卷 明嘉靖刊本

前紀漢荀悅撰後紀晉袁宏撰明人合刻之悅字仲豫潁陰人

宏字彥伯陽夏人兩紀各三十卷各自有序紹興十二年汝陰王銍後序稱祥符中刊版錢塘版廢幾百年今始用諸家傳本合刻此明嘉靖戊申刻本黃姬水序畧云何景明曾刻前漢紀袁氏書尤罕觀得雲間朱氏宋本輒復梓行云姬水五嶽山人省曾子也

元經群氏傳十卷

明刊本

隋龍門王通經唐河東薛收傳宋阮逸注

前有薛收序其經自晉太熙元年至隋開皇九年凡九卷爲通之原本自隋開皇十年至唐武德元年爲末一卷則收所續晁氏陳氏皆謂卽出阮逸所依託而文獻通攷載有十五卷今止十卷自魏太和以後數十年不書一事并非阮氏僞本之全書矣孫淵如嘗見明單刻本每葉廿四行行廿二字經元康二年賈庶人殺太后於金墉城永康元年癸酉倫殺皇太孫此刻本

殺皆作弑永康元年立皇孫臧爲皇太孫此刻本臧誤作滅永興元年昭將方劫帝幸長安此刻本方上有張字案傳云張去姓何也則原本無張字記此爲更求佳刻之券

通歷十五卷

舊鈔本

郡齋讀書志通歷十卷唐馬總撰纂太古十七氏中古五帝三王及刪取秦漢三國晉十六國宋齊梁陳元魏北齊後周隋世紀興滅粗述其君賢否取虞世南畧論分系於末以見義焉續通歷十卷荆南孫光憲撰輯唐洎五代事以續總歷參以黃巢李茂真劉守光阿保機吳唐閩廣吳越兩蜀事迹宋太祖詔毀其書以所紀多非實也直齋書錄解題作十五卷曰馬總書本十卷止於隋代今書直至五代增五卷者後人所續也張金吾愛日精廬藏書志載嘉慶甲子鈕樹玉跋曰鈔本通歷十五卷首題曰史臣李燾著卽知其妄蓋當時一至三卷缺失後人取

他書補入故三國首蜀而末無論畧也四至十卷起西晉迄隋
有總案語則爲會元所撰無疑其十一卷至末則孫氏所續也
有唐舊籍世不多見其珍祕之

資治通鑑二百九十四卷

明嘉靖杭州依宋刊本

朝散大夫右諫議大夫權御史中丞充理檢使上護軍賜紫金魚
袋臣司馬光奉敕編集

涑水撰此書上起戰國下終五代凡一千三百六十二年閱十
九載始成草稿至盈兩屋淹通貫串爲史家絕作前有治平資
治通鑑事畧又光進書表明嘉靖甲辰提督浙江學校按察副
使河汾孔天允題云從唐太史家宋版文字雕繕用布學宮杭
郡太守陳一貫總其緘要仁和令程良錢塘令龔雲從縣丞周
璉歸安學諭浦南金錢塘學諭張鳴鶴仁和學諭梁木桐鄉學
諭謝明德武康學訓邱縉錢塘學訓林公惠秀才王文祥邵文

佩李東瀛錢斯鈕經李敬孫等分爲校理按是書元祐元年十月奉聖旨下杭州鑄版紹興二年七月餘姚縣刊版自宋時已兩刊於浙中也

資治通鑑二百九十四卷

元刊明修本

朝散大夫右諫議大夫權御史中丞充理檢使上護軍賜紫金魚袋臣司馬光奉敕編集後學天台胡三省音注

至元二十七年正月立興文署召集良工刊刻諸經子史以通鑑爲起端卽是本也前有溫公進書表元豐七年獎諭詔書元祐元年奉旨下杭州鑄版校定諸人銜名紹興二年兩浙東路提舉鹽茶司公使庫下紹興府餘姚縣刊版校勘監視諸人銜名及胡三省音注自序三省字身之寶祐進士賈相館之釋通鑑三十年兵難稿失乙酉歲留袁氏家塾日手鈔審定己丑寇作以書藏窖中得免明正嘉以來是版歸入南麀遞有修補嘉

慶開鄱陽胡氏仿刻固稱善本然未能畢似也

資治通鑑考異三十卷 明嘉靖依宋刊本

端明殿學士兼翰林侍讀學士太中大夫提舉西京嵩山崇福宮
上柱國河內郡開國公食邑二千六百戶實食封一千戶臣司馬
光奉敕編集

溫公作通鑑所採自正史外雜史至三百數十種紀錄既繁異
同互出因參校以明去取元豐七年隨通鑑同奏上此明嘉靖
中孔天允序稱以唐荆川家宋本付雕每半葉十行行二十字
字畫秀挺不減宋刻也

資治通鑑釋文三十卷 顧千里校宋本 顧泰峯藏書

右宣義郎監成都府糧料院史炤

此書儀徵阮文達公撫浙時嘗寫進 內府而筆經室外集提
要遺此一條今從阮亨撰瀛洲筆談錄出云炤字見可眉州人

嘉祐治平閒爲縉紳所宗蘇軾兄弟以鄉先生事之案資治通鑑釋文在宋時舊有二本一爲司馬公休注刻於海陵郡齋者名爲海陵本一爲史炤撰爲成都府屬都縣費氏進脩堂版行以釋文附注本文之下者名爲龍爪本白龍爪本行而海陵本廢自胡三省本行而龍爪本又廢直齋書錄解題稱公休名康爲溫公之子史炤之書與公休大畧同而加詳焉炤蓋因其舊而附益之也則炤書本是康注宜得涑水著書遺意乃三省作辨誤摭其一二缺失詆史者且以詆康未免太過今以炤本與三省本參校如秦之范雎本千餘切而胡改音雖唐之李芑本蒲紅切而胡改居包翻遂使雎雎莫別芑芑互淆豈非以不狂爲狂乎三省以地理名家而小學不甚究心大率承襲史氏舊文偶有改易輒成罅漏此本近代藏書家鮮有著錄茲從吳門蔣氏影宋本鈔出前有紹興三十年三月左朝散郎權發遺黎

州軍州主管學事縉雲馮時行序與書錄解題及宋史藝文志卷數相同玉海稱其紹興三十一年上則當日固進之於朝不可以胡氏一家之言而絀之也云云末有錢大昕題語此本爲顧廣圻手校鈐顧廣圻字千里號澗齋又顧廣圻印千里泰峰泰峰所藏善本諸印余舊藏殘宋本以奇零不入目今并裝入此帙以備互看近顧宋樓陸氏已刊入叢書矣

司馬溫公稽古錄二十卷

明刊本

前有進稽古錄表後題正議大夫守尚書左僕射兼門下侍郎上柱國河內郡開國公食邑四千一百戶實食封一千五百戶臣司馬光上進又朱文公與鄭知院書及文公語錄中語此錄起於伏羲氏迄於英宗治平四年諸論則仍歷年圖之舊也天祿後自有宋刊本明宏治辛酉楊璋有黃珣序刊本此亦明時所刊

資治通鑑釋文辨誤十二卷

元刊明修本

季滄葦藏書

天台胡三省身之

後有自序云通鑑釋文世有史炤本有公休本史炤本馮時行爲之序公休本刻於海陵郡齋無序無跋直寘公休官位姓名而已又有成都府廣都縣費氏進修堂版行通鑑於正文下附注多本之史炤間以己意附見世人謂之善本號曰龍爪通鑑要之海陵釋文龍爪注大同小異皆蹈襲史炤者也譌謬相傳今爲公休辨証以公休本爲海陵本龍爪本爲費氏本先舉史炤之誤二本與之同者則分注其下曰同然後辨其非而歸於是如直音之淺謬皆畧而不錄每卷有季振宜藏書朱文長方印

資治通鑑綱目外紀一卷前編十八卷綱目五十九卷續編二十七卷

明歸仁齋書林刊本

外紀四明陳子樞輯前編仁山金履祥編綱目朱子撰續編明大學士商輅等奉敕纂修

是書當是明麻沙坊賈併刻也首一卷首述盤古至高辛氏卽陳子樞續編之一有元至正周伯琦序次十八卷乃金仁山以劉恕通鑑外紀失之好奇特引經據典作此以矯其失上則斷自唐堯止於春秋綱目五十九卷起自周威烈王盡於唐昭宣帝爲朱子所撰而撰攷異者新安汪克寬撰攷證者上虞徐文昭撰集覽者慈湖王幼學撰正誤者毘陵陳濟撰質實者建安馮智舒撰書法者廬陵劉友益撰發明者遂昌尹起莘皆從單行本合刻者前有朱子自序及凡例後跋續綱目二十七卷起周恭帝元年盡元順帝二十七年成化十二年吏部尙書大學士商輅等表進有御製序又有監生張時泰進廣義餘杭增生周禮奏進發明兩表

皇王大紀八十卷

葛應刊本

宋胡宏撰宏字仁仲號五峯崇安人安國之季子以蔭補承務郎嘗上書忤秦檜久不調檜死始召用辭疾不赴附宋史儒林胡安國傳是書有紹興辛酉四月自序咸淳甲戌重九天台董楷跋第一卷三皇紀述盤古天皇地皇人皇有巢燧人五帝紀述太昊伏羲號述粟陸中央柏皇大庭赫胥尊慮啟統一作混沌吳英朱襄葛天陰康無懷凡十三氏皆祖包犧神農第二卷至第四卷五帝紀述皇帝至堯舜第五卷至八十卷王紀述自夏禹至周赧王其三皇紀多敷衍皇極經世浮悠之說惟乾西北坤西南方位圖系於伏羲不系於文王猶勝先天後天之強生分別耳萬曆辛亥高安陳邦瞻序稱宋代止清治一刻近傳益少余入閩始得之諸生馬欵爲之重刻者也

中興小紀四十卷

鈔本

宋熊克撰

按克字子復建陽人官至起居郎兼直學士院出知台州宋史文苑有傳是紀首建炎丁未迄紹興壬午排次南渡以後事蹟而曰小紀者蓋別於國史先修日記也陳振孫書錄解題岳珂程史於此書均有譏訐然上援朝典下參私記纂在李氏心傳之前未可因一節而廢全書館臣採自大典有以哉

五代春秋二卷

葉石君手鈔本 鮑以文藏書

宋尹洙撰

洙字師魯河南人天聖二年進士事蹟具宋史本傳是書所紀始梁太祖開平元年迄周顯德七年實五十有四年卷分上下與鄭樵通志藝文合河南集中本載全文此蓋其初別行之本歟末有林宗志云丁亥冬十一月初九日黃昏假於馮已翁卽夕揮毫漏三下錄完又邵晉涵手記云薛氏五代史敘事詳核

而帝紀未免冗煩尹師魯五代春秋書法謹嚴歐陽史帝紀所仿也論者多病其太簡然於十國廢興大事必書視歐陽史之不載於紀者爲得史法矣傳寫多脫誤鮑君以文以葉石君鈔本見示因取盧紹弓手校本對勘參以舊時所見本爲校正四十一字至張顥作灑漢谷作幕辭歐二史本有異同今仍其舊云又有乾隆丙午閏月從知不足齋假閱復爲校正數字懷玉則趙味辛手書也冊面題葉林宗鈔本五字則爲張芭堂手書卷尾押陸氏金管齋審定印紙西長塘鮑氏知不足齋藏書印又宣州老兵小印殆姜貞毅採從石君借閱時所鈐書僅十九葉疊經葉姜邵陳趙鮑張諸賢之手豈不可珍耶

續宋編年資治通鑑十八卷

元刊本

朝散郎尚書禮部員外郎兼國史院編修官李燾經進

是編所載自太祖建隆元年迄欽宗靖康二年九朝事蹟體例

與宋史全文大略相同前有乾道四年四月李燾上表卽所上
進通鑑長編一百八卷之文與此無涉目錄後有武夷主奉劉
深源校定一行亦無所考更有宋朝世系之圖中興世系之圖
一葉又建安朱氏與耕堂刊木記大約麻沙坊賈託名之書也

大事記通釋三卷

明熙口本

按明南離志經籍考版目載大事記通釋三卷注存版十八面
壞版四面此本豈卽是耶並云著作郎東萊呂祖謙撰伯恭有
大事記十二卷解題十二卷通釋三卷自敬王三十九年以下
採左氏傳歷代史皇極經世通鑑稽古錄輯而廣之雖上接獲
麟而書法則視太史公所錄不盡策書凡例解題者略具本末
附以己意多所發明通釋者經典綱要孔孟格言以及歷代名
儒大議論初意欲起春秋接於五代僅及漢武征和二年而止
云云此本當是南監初印本無論單行與否熙口刊者已屬罕

見故仍存之

皇朝編年備要三十卷

辰硯齋鈔本

勞山陳均編

此書始太祖終欽宗凡九朝事蹟非大事不書也均字平甫莆田人太學生端平間救下福州宣取是書並賜官迪功郎昭文張氏有影寫宋刊本二十五卷十禮居黃氏有宋刻補編五卷此履現齋舊鈔提行猶從宋式前有均自序有紹定開建安眞德秀長樂鄭性之新知漳州林岳三序及凡例十五條并引用

諸書目

續資治通鑑十五卷

影元鈔本

陳仲魚藏書

通直郎國史院編修官劉時舉

是卷爲周約耕影寫元陳氏餘慶堂刊本有周鼎陳仲魚讀書記鮑讀仲魚圖象得此書費辛苦後之人其鑒我諸印

續宋中興編年資治通鑑十五卷 元刊本 徐紫珊藏書

通直郎戶部架閣國史實錄院檢討兼編修官劉時舉

按宋紀三朝政要載史嵩之父喪去位詔以右丞相起復時舉
爲原學生與王元野等九十四人上疏力爭一節時舉之名僅
見於此宋彝尊題此書稱其過於王宗沐辭應旂所撰似非溢
美目錄後有陳氏餘慶堂刊六字又有木記云是編繫年有考
據載事有木末增入諸儒集議三復校正一新刊行宋朝中興
自高宗至於甯宗四朝政治之得失國勢之安危一開卷開瞭
然在目矣辛鑿則爲麻沙坊刻矣有曾爲徐紫珊所藏一印紫
珊名渭仁字文臺上海人家有春暉堂藏書多古刻

皇宋十朝綱要二十五卷 舊鈔本

眉山李重編

璽字允季文簡公燕第七子紹熙元年進士理宗朝同知樞密

院事四川宣撫使與兄壁尤以文學知名壁有雁湖集荆公詩
注重僅傳此書自太祖至高宗十朝每朝首紀年號及皇后皇
子宮主若而人宰相參知政事樞密使副使使相三司使學士
舍人院御史中丞及每年取進士若而人復紀外改廢置州府
等而以誕節神御殿終焉以下按月逐條紀錄朝政大事畢載
雖採摭從略亦有出文簡長編之外者玉海文淵關雋氏經籍
志並列其目

孝慈淵聖皇帝要錄十六卷

鈔校本

陳振孫書錄解題曰靖康要錄五卷不知作者記欽宗在儲時
及靖康一年之事案日編次凡政事制度及詔誥之類皆詳載
焉其與金國和戰諸事編載尤詳雖無撰人名氏斷非草野傳
聞之語溯其撰書之時似在乾道元年欽宗實錄告成之後撮
舉節目故以要錄爲名

兩朝綱目備要十六卷

舊鈔本

不著撰人名氏所紀自光宗紹熙元年迄甯宗嘉定十七年事蹟敘次簡明持論平允昭文張氏愛日精廬藏書志有影寫宋刊本續編兩朝綱目備要十六卷蓋以續中興兩朝編年綱目十八卷而作與壺山陳均編皇朝編年綱目廿五卷體例款式一一符合是宋時三書係屬合刻此則從永樂大典中輯出者

宋季三朝政要六卷

周約耕鈔本 陳仲魚藏書

是書亦周約耕手鈔後有嘉靖壬戌六月十二日六十九老人約耕周文鼎識云是集於鑑泉柏七丈齋頭見之知爲項伯吳君所藏也轉假歸課餘錄之一生志學無成垂暮困窮以是作擺問物來日苦短而猶矻矻乃爾者以志日無虛過旋復鈔李燾宋續資治通鑑十八卷紙纔竟五十番許友相張秀才以詩投惠漫吟和答時又盛暑遂閑筆稍涼一了此願有周鼎及朝

飲木蘭之墜露夕餐秋菊之落英兩印又有陳仲魚讀書記鱣
讀兩印魏稼孫又以袁氏貞節堂本校字並錄陳鱣跋

宋李三朝政要六卷 袁壽階校鈔本 陳仲魚馬二楷藏書

卷首題云理宗國史載之過北無復可考今將理度二朝聖政
及幼主本末纂集成書以備他日史官之採擇云呂甲翟氏藏
元刊本目錄後有墨圖記云至治癸亥張氏新刊一條此帙目
錄後有皇慶壬子四字距宋亡已三十四年先至治癸亥亦十
一年世稱理宗以後國史修宋史者實見之故本紀所載反詳
於是書其實理宗國史當日必載入北而此書先爲宋之遺老
成之或慮忌諱故不著撰人姓名所序宋末軼事有史所不載
者足備參攷耳後有嘉慶十五年陳澧手記云是本世罕流傳
今得吳中袁氏貞節堂所鈔其關涉湖廷字皆空格蓋照元本
錄出者中用朱筆校刊係吾友壽階手跡壽階名廷檇收藏甚

富校錄甚勤惜乎中年辭世後人不克守之大半散失閱此無
然有海甯陳鵬仲魚圖象得此書費辛苦後之人其監我仲魚
諸印又有海昌馬氏漢晉齋收藏經籍記二槎藏本二印

宋史全文續資治通鑑三十六卷附宋季朝事實二卷

明刊本

豐城游明大昇校正

是書不著撰人名氏元刊本有乾道四年李燾進續資治通鑑
表一篇又宋朝授受圖並本記云宋史通鑑一書見刊行者節
略太甚讀者不無遺恨焉本堂今得善本乃名公所編者前宋
已盛行於世今再誘諸梓與天下士大夫共之誠爲有用之書
回視他本大有逕庭具眼者必蒙賞音幸鑒此本均已佚去按
靖康以前取諸李燾長編高孝二代取諸留政中興聖政草及
無名氏中興兩朝編年綱目光甯二代取諸劉時舉續宋中興
編年通鑑惟後載度宗少帝益王廣王事蹟別名宋季朝事實

則爲元人專輯也大昇正統開進士

通鑑前編十八卷舉要三卷元刊本徐崇璠藏書

金履祥編

履祥字吉甫婺州蘭谿人游學於王氏柏何氏基之門舉進士不第德祐初以迪功郎解褐入史館編校宋亡隱居仁山之下嘗謂司馬文正作資治通鑑繫年著代祕書丞劉恕作外紀以記前事顧其志不本於經而信百家之說不足傳信迺用邵氏皇極經世歷胡氏皇王大紀之例損益折衷一以尙書爲主下及詩禮春秋旁采舊史諸子表年繁事復加訓釋斷自唐堯以下接於通鑑之前勒爲一書名曰通鑑前編天曆元年十二月門人許謙爲序浙江道肅政廉訪使鄭允中采到鈔梓謹表以進卷末有門人御史臺都事汝南郭炯門人金華許謙校正兩行每葉二十行行二十二字小字雙行版心有字數及刊工姓

名固大異乎後來復刻之以舉要爲綱以經傳子史爲目其訓釋或錯出其間或改題爲通鑑綱目前編之本矣有荻溪章紫伯珍藏善本曾爲徐紫珊所藏兩印

通鑑續編二十四卷

元至正刊本

陳經

經字子經奉化人入明爲翰林院編修遷行人見明史楊憲傳前有至正十年自序十八年臨海陳基廿一年鄱陽周伯琦廿二年齊郡張紳及姜漸等序其書以盤古至高辛爲通鑑世編一卷唐天復至周亡遼夏初事爲通鑑外編一卷宋有國至亡爲通鑑新編二十二卷自太平興國三年以前係甲子四年滅北漢後始全以統繫之又揭書例十三條以明之書旣成行中書省賓佐馬玉麟國瑞資諂生編錄之松江武守昭陽顧遜思邈甫鈔梓以傳黑口版每葉十八行行二十一字有樂安步蟾

葉德榮甫世藏飛鶴哀又愷鴻城蔣懷堂介青卷石山房諸印
仁和高望曾爲蔣氏題跋

大事記續編七十七卷 明成化刊本

金華王禕子充著

前有正統六年閏十一月二十六日贈禕爲翰林院學士奉議
大夫賜諡忠文誥命又渭北張氏統括蒼王氏景彰題記二則
又俞氏恂曰忠文公觀呂東萊大事記始於周敬王三十九年
絕筆漢武帝征和三年僅四百五十一年而止公遂繼自征和
四年訖宋德祐二年計一千三百六十五年惟此本上起漢征
和四年接呂成公書下僅訖周顯德四年疑尙佚脫宋代也原
書舊存蜀府四方罕見巡撫孝感張公圖梓未果池陽孫公蒞
蜀命同郡潘璋詮次校刊時在成化甲辰

元史續編十六卷 影鈔永樂刊本

會稽後學胡粹中評纂

前有永樂癸未春粹中自序云皇朝纂修元史既成惟執事近臣得賜摹本版藏中秘書人閒得見甚少後張美和梁寅撰元史略惜辭約而事簡無以見一代典故余仕楚之明年始閱此書終篇又惜其詳於世祖攻戰之事於成宗而下治平之跡略而靡悉順帝之時史官失職記載闕然要未得爲一代之完書於是取所詳闕所略凡可備一朝制作者弗敢遺起世祖十三年至元丙子上接宋德祐元年迄於順帝二十八年爲大明洪武元年戊申通九十三年凡十六卷大書以提其綱分注以備其目雖竊取子朱子編年之法而於褒貶之義則不敢僭一辭焉粹中名由以字行永樂中官楚府長史

資治通鑑節要續編三十卷

明正德司禮監刊本

是編起宋太祖終元順帝爲明正德間司禮監刻本紙墨光潔

鈴有廣運之寶按王圻續文獻通攷江贊字叔直崇安人賜號少微先生著有通鑑節要武宗偶閱悅之命司禮監重刻附宋元節要續編於後然不著撰人姓氏也惟扶安通鑑綱目集說載歷代先儒姓氏內稱建陽劉剡字用章號仁齋著少微宋元二鑑當是撰此書之人也

資治通鑑綱目集說五十九卷前編二卷

明嘉靖刊本

明扶安原輯晏宏補校安字世甯別號靜安馬平人卒於嘉靖乙酉賜葬祭祠額曰昭義宏字約之號東齋明世宗時宦者嘉靖時鎮守陝西是書前列朱子序例次朱子與趙帥淵論綱目書次元汪克寬攷異序徐昭文攷證序宋王幼學集覽序明陳濟正誤序馮智舒質實序尹起莘發明序元揭傒斯書法序次歷代先儒姓氏次晏宏議語次朱子綱目凡例綱目目錄次戶部尚書致仕關中劉瓌序云通鑑綱目朱子本司馬溫公資治

理綱目所未載者則集胡三省呂東萊少微通鑑大明一統志
巨瓊臺世史正綱諸家之說合而爲一者也其書法雖本綱目
然中間亦有應書主而書帝應書死而書卒悉攷正之且集覽
質實正誤多在逐段之末則移之於各句之下及字有難識一
字數音而義各不同者則遍攷洪武正韻玉篇五音集韻篇海
韻府諸書若唐詩詠史胡曾百將傳中州集凡關風化諸詩亦
標諸簡端以便後學觀覽稿雖其師馬平扶先生手自剞立然
實先生自閒居至鎮守凡閱二十餘寒暑而成復患綱目斷自
周威烈王以後中古以前三皇五帝三王皆繼天立極使無所
紀則後世不知所自乃遵時制復取孝廟時史官纂修通鑑節
要以冠於前譬諸水木始有本源矣是書 四庫不收 天祿
琳瑯藏之且攷明史職官志內監爲鎮守者始於洪熙徧於正

統凡各省無不有之至嘉靖八年後始革今按璣序作於嘉靖
己丑適當嘉靖八年其猶稱晏宏爲鎮守則爲宦官無疑矣按
羣書集事淵海爲內官賈某所刊吏部尙書洛陽劉健序稱賈
公雅好文事日以傳達帝命至丙閣今且稱扶晏爲先生可以
見當日風氣云

世史正綱三十二卷

明刊本

是書爲明成化辛酉瓊山巨濬所撰并自爲序及凡例嘉靖癸
亥如皋孫應鼈又序而鐫之藏版於秦之學臺大綱本明方正
學釋統之意專明正統起秦始皇二十六年訖明洪武元年首
尾凡一千五百八十有九年著世變事始之所由於各條下隨
事而附論之王士禎池北偶談稱其議論嚴正陶輔桑榆漫志
稱其義嚴理到深得麟經之旨胡應麟史學佔畢更謂其春秋
之後有朱氏而綱目之後有邱氏其然豈其然乎

資治上下編大政記綱目七十二卷

明刊本

後學丹陽姜寶廷善甫編纂男士麟士昌姪士交同校

上編四十卷起漢高帝訖隋恭帝下編三十二卷起唐高祖訖周太祖皆以大政爲綱而詳載其事實爲目與黃氏千頃堂書目所載卷數相合按徐氏傳是樓書目是書載五十一卷又載稽古上下編大政記八十卷千頃目稽古編作八卷俟再攷定之

世穆兩朝編年信史六卷

明刊本

甲戌進士臣支大綸纂修

萬曆丙申大綸自序云大綸先世遞有聞人鼻祖臣芳叔人稱幽齋先生式從草昧揆次天厯暨高王父臣支茂奮逸軌於文宣曾王父臣支立濫詞垣於英憲王父臣支高發藻於武廟殿父臣支祿嗣響於永陵說說五葉世叨文學掌故之司遙遙三

支庶接天下博知之系臣大綸首忤權相再中讒喙乃搜獨故
帙結佩遺音丙申秋鈔永陵脫稿觀察項德楨見而謬賞亟昇
梓人以楊丕烈既而昭陵就緒因并鈔之前有秀水項德楨序
前四卷起嘉靖元年迄四十五年後二卷起隆慶元年迄六年
先敘事後間附議論大綸字華平嘉善人萬曆甲戌進士由南
昌府教授擢泉州府推官謫江西布政司理問終於奉新知縣
序言忤權相中讒喙始因謫官而激發歟有小李山房圖籍印
右編年類

史部三

通鑑紀事本末四十二卷 朱寶祐刊大字本

建安袁樞編

樞字機仲孝宗初試禮部詞賦第一官工部侍郎知江陵府宋
史有傳是書區別條流各從其類通鑑以編年爲宗本末以比

事爲體編年雖一事而歲月遠隔比事雖累載而脈絡貫聯綜四十二卷始三卿分晉訖周世宗征淮南凡一百三十九篇誠通鑿之戶牖也淳熙初樞分教嚴陵刊有小字版本楊萬里爲之序三年龔茂良言紀事有益見問被旨宣索越八十四年爲寶祐丁巳趙與憲以嚴州本字小且譌易爲大書出私錢序刊於湖州迨元延祐六年陳良弼時爲嘉興學掾與憲之孫明安出所藏書版示良弼因白御史宋公一齋僉憲鄧公善之償以中統鈔七十五錠移寶禾學良弼爲記明初版歸南監成化中重爲修補南離志載通鑑紀事本末四十二卷版完計四千四百面卽此刻也

通鑑紀事本末四十二卷

明萬曆刊本

宋建安袁樞編

樞本傳載孝宗讀而嘉歎以賜東宮及江上諸帥曰治道盡在

是寶祐丁巳趙與憲又刊大字本此則萬歷丙午巡按直隸管帶督學鹽法監察御史黃吉士并宋元紀事所刊也仍冠楊萬里趙與憲陳良弼三舊序於前而以焦竑魏時應序次之

三朝北盟會編二百五十卷

舊鈔本

朝散大夫充荆湖北路安撫司參議官賜緋魚袋臣徐夢莘編

前有紹熙五年十二月夢莘序並引用書目夢莘字商老臨江人紹興二十四年進士官至知賓州宋史儒林有傳是編自政和七年海上之盟迄紹興三十一年上下四十有五年凡敕制詰詔國書書疏奏議記序碑志登載靡遺分上中下三帙上爲政宣二十五卷中爲靖康七十五卷下爲炎興一百五十卷其起訖年月都與史合夢莘自序云其辭則因原本之舊其事則集諸家之說不敢私爲去取私立褒貶參攷折衷其實自見使忠臣義士亂臣賊子善惡之迹萬世之下不得掩沒此集編之

本志也 四庫館亦以鈔本著錄此帙有竹泉珍藏圖籍敦復
顧氏珍藏兩印又大方木記云昔司馬溫公藏書甚富所讀之
書終身如新今人讀書恆隨手拋置甚非古人遺意也夫佳書
難得易失稍一殘缺修補甚難每見一書或有損壞輒憤惋浩
歎不已數年以來蒐羅略備卷帙頗精伏望觀是書者倍宜珍
護卽後之藏是書者亦當諒愚意之拳拳也謾聞主人記是亦
顧氏所印附記以當座右之銘

皇朝通鑑長編紀事本末一百五十卷 鈔本

前有廬陵歐陽守道序云皇朝紀事本末寶祐元年直徽猷閣
謝侯守廬陵始以家藏書刊於郡齋貢士徐君琥重爲傳刻其
尚多所舛譌又得大字蜀本參校工畢成在丁巳然不言著書
人姓名或另有序而闕失也案玉海云楊仲良爲長編紀事本
末一百五十卷陳均皇朝編年備要引用書目亦載其書則爲

仲良所撰無疑李燾取北宋九朝事實仿司馬光長編之體編年述事爲通鑑長編卷帙繁重乃別爲分類編次成太祖七卷太宗七卷眞宗十四卷仁宗二十四卷英宗四卷神宗三十四卷哲宗二十六卷徽宗二十八卷欽宗六卷共一百五十卷各有事目目中復有子目汴京百七十年禮樂兵刑之沿革制度政令之舉廢粲然具備洵可與李編相輔而行且李編徵欽兩朝皆有闕佚藉此猶得攷見崖略原闕卷一百十四至一百十九今又闕六七兩卷五八兩卷亦非完帙阮氏元嘗鈔錄進呈見學經室外集

安南乘守始末一卷

鈔本

不署撰人名氏始於永樂二年終於宣德十年皆紀安南更易之事吳翌鳳跋尾云是書僅見於絳雲樓書目己亥春日借甫里嚴蔚本鈔惜未得彼國志載而一證之

明倫大典二十四卷 明嘉靖內府刊本

前有嘉靖七年六月初七日御製序次列聖諭手札六道敕諭纂修大典全書更定書名二道進明倫大典表凡例五則奉敕纂修諸臣銜名攷嘉靖六年正月敕修以大學士費宏楊一清石瑄賈詠及禮部尙書席書爲總裁兵部右侍郎張璠詹事桂萼副之十一月改命謝遷張璠翟鑾而以桂萼方獻夫爲之副明年七月書成惟一清璠鑾萼獻夫列名餘皆去位其纂修官則譙汝霖韜黃綰席春孫承恩廖道南王用賓張治八人爲後序者一清璠等五人

鴻猷錄十六卷 明刊本 朱竹垞藏書

京山高岱編輯縉雲鄭文茂門人劉侃校

前有嘉靖丁巳高岱自序曰余官西曹吏務希簡嘗取國朝往牒縱觀之其歷代實錄藏之百架天祿者祕不可得見惟諸先

臣之紀述傳誌暨諸書疏奏牘無不參贊攷訂稍得要領凡開創丕基肅清內難下及誅戮權姦翦除盜賊討伐蠻夷樂括二百年間得其可紀者六十餘事皆國家之重務經略之偉績名之曰鴻猷錄岱字伯宗京山人嘉靖庚戌進士官至景王府長史書以嘉靖乙丑四月其子思誠梓行有秀水朱氏潛采堂圖書印

經略復國要編十四卷附一卷 明刊本

萬曆二十年九月二十六日敕兵部右侍郎宋應昌近因東夷陷沒朝鮮謀犯中土疊據李昫奏報并邊吏上聞雖申飭督撫鎮道并添設練兵閱兵猶恐禦防難於兼濟特命前去薊遼保定山東等處經略軍務云云應昌誓眾渡河兵薄平壤大破之并燒龍山倉十三座敵不得食遁去索回王子陪臣官眷全復其國卒致仇嫉交攻幾遭不測因紀此要編首列沿海四鎮朝

辨圖說朝鮮乞援疏部垣臺諫條議疏略并應昌疏奏文移檄
牘函札排次載之應昌字思文仁和人嘉靖乙丑進士出爲絳
州守擢都察院右副都御史巡撫山東今孩兒巷西有經略華
夷石坊卽因此而表里也

皇明啟運錄八卷

明刊本

王喬士藏書

粵濱逸史清瀾釣叟臣東莞陳建輯著

一卷紀太祖因亂倡義起兵渡江二卷紀太祖初爲吳國公平
定江東浙江江西三卷紀太祖初爲吳王西定荆湖東平淮浙
北取齊魯四卷紀初卽帝位南平閩廣北定中原五卷紀平關
陝一天下大封功臣六卷紀平西蜀定遼東以後事七卷紀平
雲南貴州以後事八卷紀天下承平賜賚功臣還鄉以後事自
辛卯至戊寅凡四十八年仿編年紀事兩體也前有嘉靖壬子
建自序引用書目四十部有湛廬藏書王金銛印兩印

宋史紀事本末二十六卷

明萬曆刊本

明北海馮琦原編高安陳邦瞻纂輯

宋史最爲蕪穢不似資治通鑑之可尋脈絡明禮部侍郎臨朐馮琦欲仿袁氏紀事之例論次宋事本末未就而沒御史南昌劉日梧得其稿本屬邦瞻增訂成編自太祖代周迄文謝之死凡一百九目銓敘貫串具有條理邦瞻字德遠高安人萬曆戊戌進士官至兵部左侍郎明史有傳是書邦瞻自有序劉日梧更序成書之原委

元史紀事本末四卷

明萬曆刊本

高安陳邦瞻編吳興臧懋修補

明修元史僅八月而成極爲潦草後商輅等撰續綱目亦未賅博邦瞻僅據二書採掇不能如宋史紀事之詳瞻凡列目二十有七其律令之定一條尙是歸安臧懋修所增補惟於推步之

法科舉學校之制漕運河渠之政紀載頗爲詳晰似未可因元
事疏略過多而廢之也前有萬曆丙午邦瞻自序時官南京吏
部稽勳清吏司郎中而應天府尹句吳徐申又序之也

右紀事本末類

史部四

逸周書十卷

盧摯經校明刊本

晉孔晁注

晉書荀勗束皙諸傳載汲冢無周書漢志有周書七十一篇卽
今本也是隋志稱汲冢者誤耳從郭璞爾雅注題曰逸周書此
書在宋有李文簡陳正卿藏本東徐丁補校刻於嘉定十五年
有李燾跋及補序元至正四明黃珩復序而刻之其程寤秦陰
九政九開劉法文開保開八繫箕子者德月令十一篇已亡中
有闕文闕字宋時已然此本前有姜士昌序後有晁公武志及

逸周書攷盧抱經以鍾伯敬本程榮本吳琯本卜世昌本趙瞰江曦明本惠棟沈彤校本疊加校勘字細於粟當爲抱經刊本之底也有數間草堂藏書文弢校止盧文弢字召弓諸印

世本輯逸一卷

舊鈔本

何夢華舊藏

此爲乾隆時鈔本與茆魯山輯本互有異同上端有錢東垣識語校勘精審後來秦嘉謨輯本據此爲藍本雖較此徵引爲富要未及此之條條精審也有錢江河氏夢華館藏圖記

建康實錄二十卷

明依宋鈔本

高陽許嵩撰

前有嵩自序曰通西晉革吳之年并吳首事之年總四百年間著東夏之事勒成二十卷名曰建康實錄具六朝君臣行事事有詳簡文有機要不必備舉若土地山川城池宮苑當時制置或互興毀各明處所用存古迹其有異事別聞辭不相屬則皆

注記以益見知云云後列江甯府嘉祐三年十一月開造建康實錄並按三國志東西晉書并南北史校勘至嘉祐四年五月畢工凡二十卷總二十五萬七千五百七十七字計一十策校正官張庖民錢公瑾曾伉熊本趙眞卿顧仲荀梅摯又紹興十八年十一月日荆北路安撫使司重別雕印又監轄點檢校勘等官韓軫高楫王廓張允之方俟虛趙遜周方平劉長等銜名猶存宋刊面目

古史六十卷

明萬曆南雍刊本

宋蘇轍撰後有紹聖二年眉山蘇轍子由志又自爲序曰嘗因遷之舊上觀詩書下攷春秋及秦漢雜錄記伏羲神農迄秦始皇帝爲七本紀十六世家三十七列傳謂之古史追錄聖賢之遺意以明示來世 天祿琳琅後目有宋刊小字本本紀第七末刻左迪功郎衢州司參軍沈大廉同校勘大廉瑞安人建炎

中進士官御史者也又宋刊大字本二部孫星衍家藏元刊大字本明初有刻本每葉二十八行行廿四字此則萬曆三十九年南京國子監所刊右春坊右諭德掌南京翰林院署國子監事東越孫如游撰序瑯琊焦竑又爲序

通志二百卷

元刊本

宋鄭樵撰樵字漁仲莆田人紹興中以薦授右迪功郎兵部架閣尋監潭州南嶽廟給札所撰通志書成授樞密院編修宋史有傳是書二百卷蓋彙集三千年之事爲通史其本紀世家列傳載記多採諸史舊文年譜加以貫串其精華惟在二十略以代諸史之志實爲千古鉅製前有推總序一篇總目一卷舊有至治壬戌吳繹序有繹可堂吳氏兩木方印至治元年福州路總管可堂吳繹刻通志疏後有至治二年九月印造福州路總管府所委提調官錄事司判官七人銜名吳序云是集梓於

三山郡庠既獻之天府藏之祕閣下北方學者猶未之見乃募僚屬捐已俸募印五十部散之江北諸郡云云據劉燠隱居通議云近大德歲間東宮有令下福州刊通志凡萬餘版是此書成宗時已刻於閩中繹摹印頒行記歲月於後非繹所刊今吳繹序疏等已佚去版式甚大每葉十八行行廿一字版心記字數

重訂路史四十七卷

明刊本

重遠書樓舊藏

宋廬陵羅泌著男萃注

泌字長源書成於乾道庚寅男萃承命注釋前紀九卷述三皇至陰康無懷之事後紀十四卷述太昊至夏履癸之事國名紀八卷述上古至三代諸國姓氏地理下逮兩漢之末附以大衍數國姓衍慶記原發揮六卷餘論十卷皆辨難攷證之文泌有自序及西蜀費輝序是書 天祿琳琅載明金堡序稱吳子伯

持妙年奸古有路史之役校譌訂誤斯已精矣此本有雲間陳子龍閱西湖金堡參仁和吳宏基錢塘吳思穆仁和童聖祺同訂又有吳宏基具略四條宏基字伯持布衣也有重遠書樓印大金國志四十卷

舊鈔本

汲古閣舊藏

首有金國初興本末次經進大金國志表題宋端平元年正月十五日淮西歸正人改授承事郎工部架閣臣宇文懋昭上表一卷至二十六卷爲太祖太宗熙宗海陵王世宗章宗東海郡侯宣宗義宗紀二十七卷開國功臣二十八九卷文學翰苑三十卷楚國張邦昌錄三十一卷齊國劉豫錄三十二卷至三十九卷雜載制度四十卷許奉使行程錄次金國九主年譜次金國世系之圖錢曾讀書敏求記載其書謂所載誓書下直書差康王出質且詳列北遷宗族等於獻俘可謂無理於君至矣敢於表上其書而端平君臣竟漫置不省何也 四庫館已詳辨

其失殆經後人竄亂非復懋昭之原本此爲舊鈔有汲古閣小印曾藏梁溪顧氏家有古吳潘介祉叔潤氏收藏印記

元祕史十五卷

舊鈔本

蕭山王晚閣藏書

右記元太祖太宗兩朝事迹最爲詳備其紀年以鼠兒兔兒羊兒等不以支干蓋卽國人所錄明文淵閣書目字字號內載元祕史一部五冊黃氏千頃堂書目亦有著錄爲十二卷要皆殘缺之帙此依舊鈔影寫國語旁譯者明初宋濂等修撰元史急於蕪事未暇稽求載籍如是史所載元初世系字端又兒之前尙有一十一世太祖本紀述其先世僅從字端又兒始諸如此類并足補正史之紕漏不得以詞語俚鄙棄之也阮文達等以進呈見孳經室外集有晚間居士印錢大昕有跋見於集中不備錄

宋史質一百卷

明刊本

劉蓉峰藏書

臨海王洙著

洙字一江正德辛巳進士是編臨海秦鳴夏有序洙因宋史而重修之別勦義例欲以明繼宋非惟避金兩朝列於外國卽元代年號亦盡削之四庫附存總目責其荒唐悖謬縷數難窮其目本不宜存然自明以來印本已多故辭而闕之庶邪說不至於誣民誠千古之定論也此本已流入外洋有蓼倉文庫印焚不勝焚姑列之架底以充蠹腹有彭城伯子空翠閣藏書印曾寄山東王眉庵處傳經堂鑒藏傳經後人曾在東山劉惺常處諸印蓉峰殆卽蘇閩門外之劉園主人也名恕吳縣人家有寒碧莊收藏書畫甚富

宋史新編二百卷 明刊本 豐道生藏書

明南京戶部主事莆田柯維騏編

維騏字奇純嘉靖癸未進士授南京戶部主事此書前有嘉靖

乙卯泰泉黃佐序云宋舊史成於元至正己酉是非不公景泰間翰林學士吉水周公嘗疏於朝自任筆削羈於職務書竟弗成柯子筮仕戶曹輒謝病歸養高林壑覃思博攷乃能會通三史以宋爲正刪繁補闕歷二十寒暑始成命曰宋史新編示不沿舊也本紀則正大綱而存孤危志表則略細務而舉要領列傳則崇勳德而誅亂賊先道學而後吏治遼金與夏皆列外域於是春秋大義始昭著於萬世同邑康太和作後序自豐府藏書擅覽藏本兩印豐府藏書者鄞豐坊藏書之記也坊字存禮後改名道生嘉靖癸未進士官禮部主事明史附豐熙傳

元祕史略二卷

手稿本

前有乾隆戊辰五月秀水萬光泰序曰元祕史十二卷續二卷不著撰人名氏志蒙古氏初生至韓亥皇帝兔兒年止兔兒年者太宗三年辛卯後云鼠兒年七月於客魯河關送額阿刺地

面寫畢者當在至大以後元史二年冬十一月庚辰始號聖武
皇帝廟爲太祖是書成吉思合罕間譯作太祖知非定憲二宗
以前書也文用蒙古語一行譯語一行每節次後又用總譯一
段連貫其語每行當別有蒙古字今不存矣元史於此書採綴
一二同異宏多明洪武十五年命翰林侍講火原潔編修馬懿
赤黑編類華夷譯語多取是書參攷以定切字諧聲文不雅馴
好述委瑣之事予去其荒誕者爲元祕史略一卷附元氏譜於
後較輟耕錄所譜少不紊云是卷係光泰手稿版格中有小澆
花亭四字

謝氏後漢書補逸五卷 精寫本 何夢華藏書

錢唐姚之駟輯後學孫志祖增訂

前有嘉慶七年蕭山汪輝祖序云吳淑進注事類賦狀在淳化
時已僞謝書遺逸王應麟困學紀聞云謝承父嬰爲尙書侍郎

原注謝承後漢書見文選注是謝書在宋時已無傳本康熙間姚氏之駟撰後漢書攷逸中有謝書四卷孫頤谷先生重加纂集凡姚采者一一著其出處誤者正略者補復以范書參訂同異其未采者別爲續輯一卷證引精博可謂偉平功臣矣又歸安嚴元照序云謝書於忠義隱逸蒐羅最備不以名位爲限其所以發潛德幽光者蔚宗不及也又有之駟原序是書爲夢華鈔本有錢唐何元錫字敬祉號夢華又號楚隱及布衣賤菜根香讀書滋味長兩印

右別史類

善本書室藏書志卷八

錢塘丁丙松生甫輯

史部五

國語二十一卷補音三卷

明初刊本

韋氏解宋庠撰

吳雲陽韋昭注昭字宏嗣官至中書僕射昭三國志作曜爲司馬昭諱也書二十一卷昭有自序附國語補音三卷唐人舊本宋庠補撰庠字公序安陸人天聖二年進士官至檢校太尉平章事樞密使封莒國公謚文獻宋史有傳補音前有序目錄後按云諸本題卷次序各異疑皆後人妄自標目庠家舊藏亦參差不一天聖初有宗人同年生緘假庠此書最有條例因取官私所藏凡十五本校緘之書其間雖或魯魚而緘本大體爲詳又題號諸篇較若畫一並不著卷字但曰某語第幾惟一國

有一篇或二篇則加上中下以別之此本悉合每半葉十行行二十字當爲明成宏間所刊出自宋公序之舊也

國語二十一卷補音三卷

明刊大字本

韋氏解宋庠撰

有韋昭國語解序宋庠國語補音序每葉二十行行二十字始

明正德翻宋刻本也

國語二十一卷

明嘉靖刊本 黃蕘園校藏

韋氏解

吳韋昭注前有昭自序此較爲嘉靖戊子吳郡金李校刻於澤遠堂有士禮居黃丕烈印蕘園三印並依宋本校訛卷一後錄錢遵王語云吾家所藏國語有二一從明道二年刻本影鈔一是宋公序補音南宋槧本間以二本參閱明道本周語云昔我先王世后稷注云后君也稷官則是昔我先生世君此稷之官

攷之史記周本紀亦然而公序本直云昔我先世后稷讀者不
察幾謂周家之后稷矣襄二十四年秦師將襲鄭過周國門左
右皆免胄而下拜注云言免胄則不釋甲而拜蓋甲冑之士不
拜秦師反是所謂無禮則脫也公序本又失去拜字與注文大
相違背徵明道本於何正之今世所行國語皆從公序本翻雕
知二字之亡由來久矣

國語二十一卷 明刊本

韋昭解

右爲樊川許氏宗魯宜靜書堂刊本前列韋昭序次國語補音
序宗魯志云按宋志補音三卷音釋最詳意義頗繁附出則篇
章不屬別集則考閱亦艱姑爾緩刻獨存其序志有此書次國
語注解諸家名氏若鄭眾賈逵王肅虞翻唐固韋昭孔昇宋庠
皆錄其爵秩撰述次諸國世系說凡周魯齊晉鄭楚吳越皆祖

春秋世系圖類書於首次國語古文音釋閩中王鏊識云許子刻國語成授鏊復校既去六書惟學士采焉然童子授讀尙迷心目因校隨筆以備遺忘校終得字凡五百有奇命曰國語古文音釋附於卷首以便初學云

重刊鮑氏戰國策十二卷

明刊本

縉雲鮑彪校注

彪字文虎縉雲人官尚書郎手校此書四易稿而後繕寫以劉氏定著二十三篇始於東周究非正統改西周爲首卷并核其事蹟年月而移其次第疏通詮解頗爲明顯前有紹興十七年自序又自記二則并劉向曾鞏原序二篇後有李文叔王覺書後二篇宋元刊本皆作十卷此則十二卷殆重刊時所分歟有

困學齋藏書印

戰國策校注十卷

元至正刊本

明孫月峰手評

縉雲鮑彪校注 東陽吳師道重校

師道字正傳蘭谿人至治元年進士官禮部郎中元史有傳此書合高誘注姚宏續注校正鮑注其篇第注文仍從鮑舊別於條下著補曰者增所闕也注正曰者糾所失也更以劉曾二家所校三十三篇四百八十八首舊第爲彪所改竄者別存於首是爲注國策最善之本矣前有劉向曾鞏鮑彪三序又秦定二年師道兩序至正十五年陳祖仁一序後有李文叔王覺孫元忠耿延禧等序第三四五六卷末有至正乙巳前藍山書院山長劉壙重校刊一行第八九十卷末有平江路儒學正徐昭文校勘一行卷中丹黃評點傳爲明孫月峰尙書鑛手筆有重遠書樓山陰楊鼎圖書鑛號月峯餘姚人萬厯甲戌進士厯官太子太保南京兵部尙書

戰國策十卷 明刊本

宋尚書郎鮑彪校注元國子博士吳師道注明吏部攷功員外穆文熙編纂

前有編校史館書籍臣曾輩序紹興十七年縉雲鮑彪序秦定二年金華吳師道國策校注序又至正十五年浚儀陳祖仁序紹興四年魯人耿延禧序嘉靖改元儀封王廷相序次列校刻凡例卷末有李文叔書後清源王覺題辭刻川姚宏伯題語吳師道後序曾稽姚寬後序師道又識

貞觀政要十卷 明成化丙申崇府刊本 明嘉靖葛氏藏書

唐尚尉少卿兼修國史脩文館學士吳兢撰戈直集論

就浚儀人累官太子左庶子貶荊州司馬歷洪舒三州刺史入爲恒王傅天寶初年八十卒唐書有傳兢於太宗實錄外采其與羣臣問答之語作爲此書用備觀戒總四十篇新唐書著錄十卷均與今本合元至順間臨川戈直伯敬撰注并採唐宋諸

儒之說附之名曰集論前有兢自序及戈直序前翰林學士吳澄題辭至順四年奎章閣大學士郭思貞序明成化元年八月朔憲宗御製序未有成化丙申崇府重刊木記有賜錦堂收藏圖書嘉靖丙辰進士育菴葛邦典印吳贊思印吳宇闕防時還軒藏書記鵠寄室王氏收藏諸章邦典字敘卿常熟人官至汝甯知府

五代史闕文一卷

舊鈔本

宋王禹偁撰禹偁字元之鉅野人太平興國八年進士官至知黃州事宋史有傳晁氏讀書志載此書凡十七事今書列梁三事後唐七事晉一事漢二事周四事與晁記合禹偁撰時許居正五代史已成似作以補其闕者

五代史補五卷

舊鈔本

梅湖盛氏藏書

潯陽陶岳介立

前有皇宋紀汾陰之後歲在壬子自序實眞宗之祥符五年乃補薛氏之舊史也若屬之六一新史則誤矣所載梁二十一事後唐二十事晉二十事漢二十事周二十二事共一百四事較之晁氏讀書志所記尙少三事殆傳寫者遺脫歟有梅湖盛氏圖書修紀堂兩印

孤臣泣血錄一卷

明刊本

吳璣川陸嘉穎鮑廷博藏書

大學生丁特起

是書自欽宗靖康元年十一月初五日起至高宗建炎元年五月一日卽位止載汴京失守二帝播遷之事前有特起一序徐商老已採入三朝北盟會編可以覆校南昌彭元瑞謂所載爭立異姓事均歸秦檜而不及馬仲未爲直筆若范瓊則悖逆暴亂越數年方伏誅以葬顧收高伯振爲高義其紀徐揆上書亦不詳至李忠愍初名若冰出使時欽宗惡其與弱兵同音改之

乃以若水爲其兄且指爲他人之誤亦失核云云明吳思曾刻
是錄且載汪旦復評語此則萬曆丙午玉峰王在公序刊有璜
川吳氏收藏圖書陸嘉穎印世守陳編之家老屋三間賜書萬
卷歛西長塘鮑氏知不足齋藏書印璜川吳氏者長洲吳銓字
容齋印記也爲吉安太守罷官歸築遂初園於木瀆插架萬卷
皆祕笈也孫泰來字企音號竹嶼乾隆二十五年進士官內閣
中書企晉從弟元潤字澤均號蘭汀官衛輝知縣銓曾孫志忠
字有堂別號妙道人四世均喜收藏古書吳下藏書世澤之禾
莫吳氏若也藏書處曰璜川書屋樂意軒香雨齋嘉穎字大田
號恂齋仁和人雍正癸丑進士歷官詹事府右中允

靖康紀聞一卷附拾遺

四古堂鈔本

武陵孤臣丁特起

前有宋孤臣丁特起泣血護書序後有拾遺一卷不署撰人案

文獻通攷載靖康拾遺錄一卷何烈撰又名靖康小史又名草
史疑卽是書然紀聞所載全與泣血錄相同大約輾轉鈔傳或
更名爲靖康蒙塵錄名雖三而實則一也黃蕘圃靖康孤臣泣
血錄題跋云明刻是錄因是葉石君孫慶增兩家藏本故收之
歲辛酉得郡中青芝堂所儲鈔本遂手校一過於刻上覺勝此
遠甚今以此鈔本與萬曆王刊本對看覺語句條貫格式整齊
勝刻者數倍想卽與青芝本同出一源也版心有四古堂三字
四古者乃吳石倉允嘉之書室卷眉校字的係石倉手筆可珍
也不倉名允嘉字志上錢塘人富於藏書嘗輯武林書傳彙甄
錄極博

靖康稗史二冊 傳鈔本

是書一爲宣和乙巳奉使金國行程錄一爲韋承撰箋中人語
一爲開封府狀皆錄皇子親王帝姬宗姬皇孫皇孫女妃嬪內

職宗室男女駙馬人數年歲一爲李天民輯南征錄彙一爲王成棟撰青宮譯語一爲呻吟語一爲宋俘記咸淳丁卯耐庵識云每書一卷封題同憤錄甲申重午確庵訂藏臨安顧氏已三世甲申當是隆興二年確庵姓氏亦無攷所采皆虜中書絕筆於粹宮南返當是奉迎諸老手筆高宗朝搜禁私家紀述故隱其姓名然靖康禍亂始末備已後又題云中士禍忠至宋徽欽而極子息蕃衍恥辱亦大前史未有也是編久存大藏朕微時見轉鈔本於同年家差脫不可句讀踐祚後檢諸故府得此有先忠烈王圖印是百年前傳寫來披覽事變終始咸悉宋金所爲皆有國者金鑑正史隔越兩朝卷帙繁博無此融會貫通暇當考徵芟補命儒臣泐爲一書爲萬世子孫戒辛巳三月上巳遣德筆謝綏之嘉福鈔以貽余且攷東藩紀事遺德乃嘉靖時朝鮮舊君之名先曾大魁後爲國君故有朕微時見轉鈔本於

同年家之語存此書可與南燼竊憤錄同觀

南渡錄四卷

傳是樓傳鈔本 惠定宇藏書

宋辛棄疾著

前有大略一篇卷一卷二爲南燼紀聞錄上下卷三卷四爲竊憤錄續錄附阿計替傳目錄後云是編皆記徽欽二帝北狩之事乃宋遺民張氏自虜中南渡攜來其書卷不一其名故直名曰南渡錄觀後阿計替傳可見非以高宗之南渡名書也此二書所載語並相似舊本或題無名氏撰或題辛棄疾撰皆僞託周密齊東野語曾指其妄謂靖康間不得志者之所爲今其書編年舛謬金國改元亦多不合趙后趙妃俱無影響且以徽宗抑釋多爲緇流作快辭蓋南渡後釋子爲之也朱述之司馬有題詞五首最佳有惠棟藏本一印

辛巳泣齋錄一卷

述古堂寫本 汪魚亭藏書

從政郎蘄州司理權通判兼淮西制置司僉廳行司公事趙與袞
編迪功郎蘄州黃梅縣主簿權錄事參軍兼僉廳陶時敘校勘

右錄自嘉定十四年辛巳二月九日蘄州爲金人圍攻宗室子
與袞偕郡守李誠之拒守待援不至誠之等捍禦凡二十五日
而城陷誠之及其僚佐家屬皆死之與袞全家十五人亦並歿
於難僅以身免其後事定因錄被兵始末同時與難諸人及朝
廷褒贈誠之等勛狀告詞於編曹侍郎彥約跋其後回憶咸豐
庚申辛酉杭城被粵匪之害初圍八日而城陷繼圍六十六日
而城破先後被難者不下百十萬人讀之更爲隕涕矣

松漠紀聞二卷補遺一卷

元刊本

錢夢廬汪闓源藏書

宋徽猷閣學士贈太師魏國公諡忠宣洪皓撰

前有國史傳略云皓字光弼鄱陽人登政和五年進士第爲司
錄惠徧下民號洪佛子遷徽猷閣待制假尙書使金不屈流冷

山卽陳王悟室聚落苦寒四月草生八月雨雪書機事數萬言
及得太后書藏故絮中人達帝不堪狼狽十五年間使虜者
凡十三人惟皓與邵弁得生歸紹興丙子長男适刊於歛有跋
曰先君南徙炎荒視膳餘日稍亦談及遠事凡不涉今日強弱
利害者因操牘記一二未幾有私史之禁遂廢不錄及柄臣蓋
棺弛語言之律而先君已齎恨泉下鳩拾殘稿僅得數十事著
爲一編乾道五年第二男遵又搜閱故牘得北方十有一事皆
曩歲侍旁親聞者目曰補遺亦有跋此帙版匡精雅當屬元刊
有錢天樹印曾藏錢夢廬家味夢軒汪士鍾印民部尚書郎諸
印天樹字仲嘉平湖人其藏書室曰味夢軒頗多舊槧

中興禦侮錄二卷

舊鈔本

汪氏振綺堂藏書

宋史藝文志作一卷此二卷當後人分晰者書皆紀南宋與金
人措兵及和議之事中稱高宗爲太上皇帝蓋孝宗時人所作

有汪漁亭藏閱書一印

弔伐錄二卷

精鈔本

周季貺藏書

不著撰人姓名館臣采自大典錄爲二卷是錄紀金太祖太宗用兵克宋之事自天輔六年以前舊牘不存僅存一條天輔七年交割燕雲及天會三年再舉伐宋五年廢宋立楚凡國書誓詔冊表文狀指揮牒檄率排比年月具錄原文迄康王南渡而止後附降封昏德公重昏侯海濱詔書及所上各表而終於劉深建國之始末可與三朝北盟會編參觀也後有周季貺跋

大金弔伐錄二卷

精鈔本

陳氏西酌草堂藏書

是書有陳氏家藏陳樽私印仲遵西酌草堂藏本諸印樽一字葦汀長洲人工畫山水有西酌草堂儲藏書多古刻

遼東行部志一卷

鈔本

金王寂著

寂字元老薊州玉田人天德三年進士興陵朝以文章政事顯
終於中都轉運使諡文肅有拙軒集北遷錄此明昌改元春二
月以使事按部紀其山川城郭官吏之迹元老長於詩亦偶及
之明昌改元上距元老登第之歲已三十九年矣世無傳本從
永樂大典鈔得者

盛餘錄二卷

鈔本

城北遺民述

是書前有李模題詞云城北遺民徐大焯撰予從金陵徐紹齋
所藏冊葉錄副甲編紀宋初宋末事乙編紀吳中事半從先世
筆記中錄出冀備修志之用大焯吳縣人元初居慶雲里卽今
官庫巷卷中間有模接語此爲謝綬之見貽幼時當端午打蚊
煙時長老謂元時約織色目人羣以此爲號從不見記載是錄
中有云北兵之禍殺戮無人理鼎革後編二十家爲甲以北人

爲甲主衣服飲食惟所欲童男少女惟所命自盡者又不知凡幾越三年五月五日聯合省郡同戮甲主云云可見事必有原人苦不見其書耳

皇朝太平治迹統類前集三十卷 朱竹垞鈔本

陳振孫書錄解題皇朝治迹統類七十二卷眉山彭伯川叔融撰略用袁樞通鑑紀事本末條例爲前集四十卷中興後事爲後集三十三卷趙希弁讀書附志云上自藝祖下至孝宗凡二百門康熙庚午六月泃朱彝尊識云太平治迹統類前集本四十卷錢塘龔主事衡圖借鈔於上元焦氏其文譌闕至不可讀并其卷目失之先後倒置因以意次第編錄冀訪善本再訂正焉 四庫館卽鈔此以入著錄並云此書於朝廷大政及諸臣事迹條分縷析多可與史傳相參考雖傳寫久譌而規模終具闕其斷爛之處而取其可以攷見端委者固與建炎以來朝野

雜紀相同矣有竹垞藏本秀水朱彝尊錫鬯氏竹垞三印

金國南遷總略一卷 舊鈔本 吳兔牀藏書

通直郎祕書省著作郎騎都尉賜緡張師顏錄

右紀金愛王大辨叛據五國城及元兵圍燕貞祐遷汴京之事直齋書錄稱其歲月抵牾疑是僞託又謂或出殿前司軍官華岳之手以暢其雪憤之詞末有大德丙午柳西梅隱浦元玠識語四則云從張升之結忘年交談宋金廢興始末出一編曰此大金祕書省文字我家祖父之所傳也於是假錄以爲寶玩後因金志刊行與此書較事語頗同而年號各殊未審孰是以元玠推之想當時南遷張祕書親隨乘輿晨夕執筆而其所紀豈有舛誤金志非本國史出於南官進宋之書中間或誤未可知也故 四庫附入存目有穀原鑑賞圖書之章拜經樓吳氏藏書印丁辛老屋非見齋諸印

皇元聖武親征錄一卷

舊鈔本

汪魚亭藏書

此書記金章宗泰和三年壬戌至辛丑凡四十年中元太祖及太宗親征之事史載中統四年參知政事修國史王鶚請延訪太祖事蹟付史館此卽疑當時人撰進故不著姓名也雖序述無法譯語譌異然以元史較之所紀事實未嘗不本之此書也

有汪魚亭藏閱書壹是堂讀書記兩印

舊鈔本

汝南遺事四卷

元王鶚撰

是編鶚隨金哀宗在蔡州圍城中所作故以汝南爲名始天興二年六月迄三年正月隨日編載躬親目擊有綱有目最爲詳確其稱哀宗爲義宗則用息州行省所上謚也鶚字伯翼東明人本金正大元年進士哀宗時爲左右司員外郎金亡降元官至翰林學士承旨元史有傳

錢塘遺事十卷

舊鈔本

趙輯甯藏書

武林劉一清編

一清臨安人殆宋之遺民書雖名以錢塘實紀南宋一代之事
高孝光甯四朝所載頗略理度以後敘錄最詳目錄前題曰高
宗不都建康而都於杭大爲失策士大夫湖山歌舞之餘視天
下事於度外卒至喪師誤主納土賣國可爲長歎惜也觀是書
不能無所感云陶宗儀說郭僅載數條此乃足本有古歡書屋
趙輯甯印兩記

國初體賢錄二卷

明鈔本

明史藝文志千頃堂書目皆稱劉基撰錄中所紀卽高皇帝任
用基及葉琛章溢宋濂四人之事基與溢皆及其身後事而不
及濂得罪徙蜀事當爲後人採輯之本

廷樞紀聞不分卷八冊

精鈔本

王子謙私編

謙字廷益錢塘人永樂辛丑進士授御史歷官兵部尚書英宗復辟徐有貞石亨等誣陷棄市宏治中追贈太傅諡肅愍萬曆中改諡忠肅此編豐順丁雨生中丞日昌開府吳中從顧湘舟沅處得秀水陸維垣舊藏明鈔本二十冊始正統七年至十四年稱其謹嚴有法縷晰條分蓋當時實錄也余從中丞家傳錄僅至正統十二年而止當又有缺失耳忠肅是錄未奉敕撰故稱私編按年排紀月日不繁不遺正統十二年正公復命巡撫河南會聞榮祿公訃之時明年開劉夫人喪復懇終制朝廷以邊事方殷不許明年卽正統十四年也先入寇親統師征留公理部事又明年改元景泰國始有君朝綱始肅公能退食之餘從事載筆四百年來尙重還故鄉輝映三台祠墓豈不重可寶哉

宣靖備史四卷

精寫本 沈肖巖藏書

明陳霆撰。霆字聲伯，又號水南先生。以忤璫杖謫，後以璫敗得遷。然江彬猶擅政，拂衣歸田，讀書不輟。是書前有嘉靖癸卯自序，謂禍患莫慘於靖康，而紀載亦莫繁於靖康。今從馬氏通攷，識其書目之詳於陶氏說，郭得其往蹟之略，南燼紀聞竊憤全錄，宣和遺事二書或失之野，或涉於誣，槩之史法要為無取。乃蒐羅遺佚，略仿綱目別為宣靖備史。云起徽宗崇寧元年，訖欽宗靖康元年。凡二十有六年，據事提綱，列條疏目，而加以水南氏之論斷，其大旨為北狩之張本。後有沈戩跋，戩跋唐餘紀事已入存目，此則未經採存。四庫館者也有董晟印，姓瀾守梅審定。東山外史肖巖沈氏藏書畫諸印。

姜氏秘史一卷

傳鈔本

明正德辛未進士考功司郎中尚書少卿弋陽姜清源甫撰。建

文無寶錄清意在補之故用寶錄體稽之故牒惜僅仕銓曹祇
詳改革官制之事後有萬曆乙未信天緣生記云建文君仁厚
好古死難諸臣視死如歸則知當時亦無難可靖金川門誠爲
失守矣抑鬱不平之情見乎言外與鄭端簡遜國記大都相似
朱竹垞記云此書成於致身錄未出之前顧猶信程濟爲有其
人則亦非信史矣福藩稱制無一善政可紀惟追贈壬午殉難
諸臣贈官賜諡差快人意第易名者雖太濫而程濟史仲彬不
及焉其勝於刊勝國逸書者多也

明良集八卷

明嘉靖刊本

明霍韜編後有嘉靖十二年霍韜後序云聖祖制治之謨其諸
紀綱言言矩準循則治遠則不治代有職臣與時述記若宋濂
若金幼孜若楊士奇若李賢若李東陽皆對揚祖烈佑贊列聖
臣趨召過韶適韶守鄭驩等胥將興材乃貽之梓濂則洪武聖

政記一卷幼孜則前後北征錄二卷士奇則三朝聖諭錄三卷
賢則天順日錄一卷東陽則燕對錄一卷而天一閣藏本尚有
楊榮北征錄 四庫提要謂韜序中本不及榮當爲後增此卷
無北征錄猶原刻也韜字潛先南海人正德甲戌進士官至禮
部尙書諡文敏明史有傳

今言四卷

明刊本

海鹽鄭曉

曉字窒甫海鹽人嘉靖癸未進士官至刑部尙書諡端簡明史
有傳是書前有嘉靖丙寅自序云文獻不足杞宋無徵方策尙
存文武未墜蓋通今學古非兩事也洛陽少年通達國體嘗曰
不習爲吏視已成事予有取焉述今言三百四十四條藏之故
陵中此書實補吾學編之所未備

使朝鮮錄一卷

明嘉靖刊本

汪魚亭藏書

前有嘉靖丁酉四月望日翰林院修撰經筵國史官正使龔用卿序後有戶科給事中副使武進吳希孟跋用卿曰以詔諭皇子生初得是命詢朝鮮故事皆曰無有也渡江而東於其國之境土山川橋梁館舍每詢訪輒記憶之至奉迎詔敕之禮往返迎送之儀宴饗酬酢之節文物禮教之度皆得於目擊之真乃類次爲三一曰出使之禮二曰邦交之儀三曰使職之務編集旣成與吳君訂之又附以詩文若干中有謫孔子廟記其禮教與中華無異也案錢塘倪文僊謙景泰元年先奉使朝鮮頒詔時國王世子並稱疾不迎詔文僊爭之不得亦無可如何蓋新有土木之變國勢危疑雖令不行見朝鮮紀事中以視此邦交盡禮者有閒矣益以見外夷祇論強弱不論是非吁可鑒矣

議處安南事宜一卷

明鈔本

袁淑六藏書

嘉靖十八年復命咸甯侯仇鸞兵部尙書毛伯溫征安南伯溫

抵廣西傳檄諭意莫登庸自鎮南關請降伯溫承制赦之馳疏
上聞詔改安南國爲安南都統使司此本彙列原疏兵部揭帖
及詔旨一通卷角有國朝典故九十三七字當爲明時彙錄之
冊也

遼小史一卷金小史三卷

清吟閣翟氏寫本

吳郡楊循吉敘

循吉字君謙號南峰成化二十年進士官禮部儀制司主事遂
小史萬曆己酉錢允治序之云今遼史修於蒙古宋金鼎立不
分正閏於是楊氏鐵崖有正統論南峰所以有小史之作書止
一卷闕略其事豈以夷狄而不欲詳耶南峰著述甚富而小史
流傳不廣余友徐元輝重刻之金小史則循吉自序大旨謂自
古外敵安識有禮義所畏者戰耳今日曰儲糧明日曰練兵持
重一語特爲宋君臣之障蔽壞盡社稷而不知也竊以爲金所

闕中國事至大故史浩繁弗能徧觀特摘其興滅之大故旁采
他錄歷三載始成命曰金小史所以甚金之惡而發宋之憤非
爲金作也是本流傳甚罕清吟閣所以寫之歟

三朝要典二十四卷

影寫本

前有御製序及天啟六年正月十五日二十三日三月二十七
日五月二十五日諭旨四道凡例六則纂修諸臣職名進三朝
要典表及後序先是天啟五年禮科給事中楊所修請編纂擬
學紅丸移宮三案事成書依明倫大典例六年正月開館以閣
臣顧秉謙黃立極馮銓爲總裁侍郎施鳳來楊景辰詹事孟紹
虞曾楚卿爲副徐紹吉謝啟光余煌朱繼祚張紳華琪芳吳孔
嘉吳士元楊世芳爲纂修六月書成閣臣請其名曰傳信鴻編
曰三大政紀中旨定今名崇禎元年五月編修倪元璐亟言其
當毀詔從之福王南渡通政使楊維垣疏請重刊會金陵失守

不果

皇明肅皇外史四十六卷

明鈔本

郝氏淡生堂藏書

涪川范守己編

守己字介儒涪川人萬曆甲戌進士官至按察司僉事前有萬
曆壬午六月自序曰肅皇四十五年之間神謨廣運泰道長亨
窮日不能殫紀嘗聞太史氏纂我世宗實錄官分六曹草脫十
稔爲編五百六十有五爲言蓋千有五百餘萬即使頒之學士
課以緝閱將有皓首未窮其帙者而何窺功識德之能爲守己
移主都官曹事頗簡迺聚羣劄創撰肅謨事鉅者稍挈其領用
爲標識云起正德十六年四月至十二月次嘉靖元年按年排
卷至嘉靖四十五年而止有昭代憲章臣璞敬識山陰郝氏藏
書之章淡生堂經籍記子孫世珍各圖記

閩海紀略二卷

舊鈔本

不著撰人名氏記宏光以後事及耿精忠叛逆按南疆逸史凡
例云陳睿思閩海見閩紀略係專記魯監國事者此本不識卽
睿思所撰否有鳴野山房一印

右雜史類

史部六

唐大詔令集一百三十卷 明鈔本 吳尺鳧校許周生藏

前有熙甯三年九月晦石諫議大夫宋敏求序敏求字次道趙
州平棘人參知政事綬之子進士及第官至史館修撰龍圖閣
直學士宋史有傳是編因其父綬手輯舊稿緒正凡十三類總
一百三十卷今闕十四卷至二十四卷八十七卷至九十八卷
又無別本校補昔人嘗譏新唐書諸志太略猶幸大典會要元
和郡縣志唐律疏義諸書尙存此與文苑英華所收亦可攷見
當時典章制度補新書所未及不徒以其文也後有蟬花居士

手跋云得長洲汪西亭氏所鈔朱檢討舊本校勘一過此書傳寫多譌而朱氏藏書多校者余從文苑英華中所錄諸篇更加細警惜其不多錄耳又書云勘後再取唐文粹諸篇丹鉛落處庶可維誦更搜得冊府元龜數十篇魚鳥奔放都爲是正可喜也有臣宗彥印德清許氏陔華堂藏書冊面題字亦周生駕部手筆

兩漢詔令二十三卷

宋刊本

西漢詔令十二卷宋林慮編慮字德祖吳郡人開封府掾自有序大觀三年宜興蔣瑄信安程俱又各序之東漢詔令十一卷樓昉續編昉字暘叔鄞縣人官宗正寺主簿嘉定十五年自爲序紹定癸巳昉門人鄭清之跋學生汪衛校正昉瑄范光跋而并刻之翰林學士洪咨夔又爲兩漢詔令總序此本每葉二十行行十八字匡框字有缺筆當爲紹定時刊也舊叟朱東舉贈

藏八千卷樓

右詔令奏議類詔令之屬

注陸宣公奏議十五卷 元至正器嚴精舍刊本

前有權德輿陸宣公文集序蘇軾進讀奏議劄子又紹興二年八月初七日迪功郎紹興府嵊縣主簿臣陸經進表文又木記云中興奏議本堂舊刊盛行於世近因回祿之變所幸元收謝疊山先生經進批點正本猶存於是重新綉梓切見棘闔天開策以經世時務是書也陳古今之得失酌時務之切宜故願與天下共之幼學壯行之士倘熟乎此則他日敷奏大廷禹皋陳謨不外是矣至正甲午仲夏翠巖精舍謹誌阮氏元撫浙時寫以進 御學經室外集提要云此編所注惟採經史爲多無泛搜博引之失不特選擇得當節錄亦多精審使讀者易見端倪云惟睡不署姓又表中稱至尊壽聖皇帝而未署紹興二年殊

爲抵牾案清波雜志輝友人郎睦晦之杭人嘗注三蘇文及陸
宣公奏議投進是睦實姓郎氏紹興實爲紹熙之誤嘉興錢素
吉曝書雜誌考定郎爲張子韶九成之甥又輯橫浦日記云

范文正公政府奏議二卷

明翻元鈔刊本

鳴野山房藏書

宋范仲淹撰仲淹字希文吳縣人大中祥符進士歷官資政殿
學士戶部侍郎知青州卒贈兵部尙書諡文正宋史有傳文正
自慶厯三年至五年在政府時所爲奏劄凡八十五篇卽陳振
孫書錄解題載奏議二卷是也元統二年八月八世孫文英有
識云先文正公奏議十七卷韓魏公爲序在昔版行於世雖不
復存其政府奏議二帙卷中不載茲得舊本惜多漫滅將繕寫
鈔梓而鄉士錢翼之見焉樂爲之書於是命工刊成置於家塾
期世傳之此爲後學時兆文黃姬水李鳳翔校正十五世孫敘
文十六世孫惟元同校目錄後仍有元統甲戌襄賢世家歲寒

堂刊篆文木記有鳴野山房蘭陵卮含章子家藏圖書兩印

孝肅包公奏議集十卷

明萬曆刊本

右爲宋包孝肅公拯撰公字希仁廬州合肥人宋史有傳載公
奏議十五卷門生張田題云公薨後三年田守廬州盡得公生
平諫草於其嗣子大祝君因取其大者列三十一門凡一百七
十一篇爲十卷納諸家廟庶與其後嗣無窮也紹興間廬州教
授吳祇若清熙間合肥守趙礪老先後刻版正統元年豫章胡
儼又爲江西布司政參政方公正序以銀梓嘉靖乙卯滁陽胡
松又序刻於廬此萬曆甲寅閩漳戴燿所刻本字畫端正紙墨
光潔足以稱公之諫草也前有孝肅包公傳及國史本傳遺事
八則後有嘉靖乙卯豐城雷達萬曆己丑溫陵朱天應二跋

盡言集十三卷

明隆慶間刊本

是書爲宋劉元城先生安世撰前有紹興丙子張九成序丙辰

王綯淳熙戊戌梁安世二跋九成序云司馬溫公與王介甫清儉廉介孝友文章爲天下所瞻望然兩人一以正進一以術行介甫所學者申韓而文之以六經溫公所學者周孔亦文之以六經故介甫之門多小人而溫公之門多君子溫公一傳而得劉器之再傳而得陳瑩中介甫一傳而得呂太尉再傳而得蔡新州三傳而得章丞相四傳而得蔡太師五傳而得王太傅介甫學行使二聖北狩夷狄亂華嗚呼哀哉器之在諫垣專攻王氏黨其扶持正道亦云切矣讀其遺稿徒深慨歎一序也足以盡盡言集矣更有隆慶間金華陸東魏人張應福同郡石星重梓三序

議論集五卷 鈔本

宋陳次升撰

次升字當時興化仙遊人熙寧六年第進士官則屢起屢廢事

蹟具宋史本傳紹興五年五月望日次升姪右宣教郎知泉州南安縣丞陳安國序稱宣和元年三月十五日公薨於私第遺稿散失幾半筠篔所存二百七章編爲二十卷曰讜論集蓋取哲宗聖語也原本久佚館臣鈔自永樂大典者八十六篇錄自歷代名臣奏議者三十篇猶可見其梗概

宋丞相李忠定公奏議六十九卷附錄九卷

明正德刊本

後學同郡畏庵朱欽爨校文林郎邵武縣知縣泰和蕭泮繡梓邵武教諭嚴陵洪爾校正

前有忠定遺像清江郭伯寅贊又少保觀文殿大學士中國公陳俊卿序淳熙十年朱子後序後有明正德丙子莆田林俊序云侍御胡君士甯祖尚風烈復梓以傳案陳正獻公作梁谿集序稱其子秀之編其表章奏劄爲八十卷此已非其舊 四庫故入存目

宋左史呂公諫艸一卷

舊鈔本

袁又愷藏書

右爲歙縣呂氏伯可午撰伯可嘉定四年進士官右文殿修撰知漳州宋史有傳奏議六篇皆嘉熙二年所上理宗嘗稱其議論明切又謂其論邊事甚好後附其子沆奏議一篇又載家傳詩文并附載呂氏節女事伯可嘗寓武林城外之西馬塍著竹坡類稿今已佚此本有五硯樓袁廷禱又愷海甯陳鯨觀四印

重鈔又公先生奏議十五卷

明刊本

宗後學監察御史高安朱吾弼編十三世孫庠生朱崇沐校梓

卷一二爲封事卷三四五爲奏劄卷六至十爲奏狀卷十一至十三爲申請十四五爲辭免萬厯甲辰南京吏部右侍郎閩中後學葉向高序稱朱生崇沐既刻朱子語類茲復裒奏議刻之仍屬余序云云按崇沐爲萬厯間庠生而每卷標題首行又稱宗後學高安朱吾弼崇沐有世次可敘而吾弼但稱後學則非

與崇沐爲同里者矣吾弼字諧卿萬安人萬曆十七年進士累官南京太僕寺卿

宋特進左丞相許國公奏議四卷 鈔本

裔孫斗祥男開楨開模同輯

右宋丞相吳潛奏議潛字毅夫富國人淵弟嘉定十年進士第一
一 涪福中官至特進左丞相封許國公以沈炎論劾謫化州團練使循州安置有履齋集乃梅鼎祚輯挂漏殊多 四庫提要謂宋史所載各疏皆不見集中是本輯自裔孫斗祥等凡奏議六十三篇核以宋史本傳所載都城大火論致災之由疏重地要區當豫畜人才疏備忠論大順之理貫通天人疏論進取有甚難者三事疏端平元年陳九事疏奏造斗斛輸諸郡租寬恤人戶疏和戰成敗急救襄陽疏請養宗室子以系國本疏論士大夫私意之弊疏請分路取士疏言儲邊防禦疏申論防拓江

海等事疏論艱屯蹇困之時疏乞遴選族人以系人心疏同知樞密院時入對疏以醴泉觀使兼侍讀召時入對疏乞令朝之臣各陳所見疏奏今鄂渚被兵湖南擾動疏論國家安危治亂疏乞令丁大全致仕疏凡二十篇全文及上疏年月皆在其中上元朱緒曾從溧水吳氏後裔傳錄之洵可冠於梅輯遺集之前矣

少保于公奏議十卷

明嘉靖刊本

明于謙撰是帙首冠肅愍畫像論祭文誥命祠祭文行狀神道碑奏議則分北伐類二南征類二雜行類六巡按浙江監察御史對川王紳序云公奏牘十卷舊本失傳且多散逸屬杭郡陳守仕賢刊輯成書成化丙申六月前南京兵部尚書溫陽李賓並爲序後則嘉靖二十年十月知杭州府事福清陳仕賢刊行序尙在公未改謚忠肅之前也其後併公之詩文集刊爲十三

卷此佚傳者益稀稀則益可珍耳

商文毅公疏稿略一卷 明鈔本 袁澈六藏書

按文毅公名輅字宏載清安人正統乙丑進士第一官至吏部尚書謹身殿大學士明史有傳其孫汝頤後跋云先大父素庵文集兩遭煨燼幸此獨存因錄諸梓 四庫以天一閣鈔本著錄似刊本亦失之矣此白紙藍格的爲明鈔卷首加翰林院印又有館臣批抹之筆殆卽天一閣進呈發還之本也有古濟州袁卧雪廬收藏印

太師王端毅公奏議十五卷 明嘉靖刊本

首有小影南昌張元楨贊端毅名恕字介庵三原人正統戊辰進士官至太子太保吏部尚書壽九十有三歲明史有傳端毅數歷中外五十餘年奏牘不下三千餘章其自官大理左寺副至南京兵部尚書者編爲六卷大司馬王憲刻於蘇州御史程

啟充又刻於三原其在吏部者九卷藏之公子太常卿承裕所知縣王成章求得之合前六卷而刻之正德辛巳王九思爲序緣起次列則成化乙巳程廷珙成化十八年陳公懋宏治四年李東陽宏治十五年楊循吉嘉靖甲午崔銳諸序

少保胡端敏公奏議十卷

舊鈔本

閩令顧霖學生黃以賢校

端敏名世甯字永清號靜庵仁和人宏治癸丑進士官至兵部尚書明史有傳家於橫塘因請減免田糧省會立祠以祀又發宸濠之難與孫忠烈公懋王文成公守仁合祀同仁祠明薛應旂爲小傳曰公嘗言學貴經濟不在詩文故其奏議二十卷及所著書數十種皆有關世務明史稱其呐不出口及具疏援據古今洞中窾會此嘉靖庚子正月寓三山古睦後學余鏐所序謂乙酉秋官南刑曹比公北上邂逅於下邳論時事意稍稍合

出示奏議若干篇讀之不釋手竊嘗評公疏議其痛憤激切類
賈長沙摘伏奸宄以嚴見憚類汲長孺就事箴規納約結主類
魏文貞練諳邊務反復論詰類韓范廉靜自愛急流勇退類錢
若水兼是數君子之美受知明主其勳業當有大過人者而未
竟厥施此余所以深致憾於絳灌也獨刻此以例其餘刊者闕
尹願子霑警正者黃生以賢也今卽傳錄是刻

臺省疏彙八卷

明刊本

疏分四類一卷曰賀謝二三卷曰前後關中四五卷曰漕運六
七八卷曰兩廣皆當時案牘之文而刻於廬州郡齋者也萬曆
二年賜進士出身總督漕運軍務巡撫都察院右副都御史臨
海王宗沐爲序明大冢宰仁和謚恭懿元洲張公所著公名瀚
事蹟具明史本傳

鄭端簡公奏議十四卷

明刊本

門人項篤壽校梓

明鄭曉撰此書卷一至十爲淮陽類乃議築濬籌兵餉以戰以守弭災濟變諸政也卷十一爲兵部類十二至十四爲刑部類乃簡領戎政協贊經畫晉陟司寇兼署樞務時建白者曉之子堦項篤壽敘而梓之末有隆慶庚午九月雕工畢一條是書未進 四庫天一閣書目止載曉謝恩疏一卷不及其餘則爲罕觀可知矣

歷代名臣奏議三百五十卷 明永樂刊本

明永樂十四年黃淮楊士奇等奉敕編明史藝文志載其書分六十四門曰君德聖學孝親敬天郊廟治道儲嗣內治宗室經國守成部邑封建仁民務農田制學校風俗禮樂用人求賢知人建官選舉放課去邪賞罰勤政節儉戒佚欲慎微謹名器求言聽言法令慎刑赦宥兵制宿衛征伐任將馬政荒政水利賦

役屯田漕運理財崇儒經籍圖讖國史律算謚號褒贈禮臣下
巡幸外戚寵倖近習封禪災祥營繕弭盜禦邊外域書成刊印
僅數百本頒諸學宮版藏禁中至崇禎間太倉張溥始刊節本
雖仍舊卷而刪削大甚溥自序謂世無其版生長三十年未嘗
一見則此本在明時已稀有矣每卷端有廣運之寶大將圖書
之府東海氏家藏等印

皇明疏議輯略三十七卷 明刊本

提督學校巡按直隸監察御史阮鶚裁定直隸大名府知府張瀚
纂輯

前有嘉靖壬子巡按直隸御史楊選序又邯人晁璠兩序謂侍
御阮公以名臣經濟錄各臣奏議二書去取猥雜因屬大名太
守張公刪補總三十門附三百餘目爲三十七卷凡天人之爭
應邪正之區分夷夏之安攘刑賞之懲勸利害之行罷以及軍

旅財用之統要禮樂刑政之綱目靡不該載云按阮公字應薦
嘉靖甲辰進士安慶桐城人吾杭北郭外有祠堂張公世居嘉
樹巷一書爲名宦鄉賢所手著安得不什襲尊藏哉

右詔令奏議類奏議之屬